

# Н О В И Н И

## ЗА РУСНОХ У ЈУГОСЛАВИЈИ

„Руски Новини“ виходва кажди ед-  
дзень. — Предплата на рок 55 Дин.  
Адреса: „Руски Новини“ Р. Керестур.  
Число Чековног рахунку 59-356.

Видава: Руске Нар. Просв. Дружтво  
За редакцију одповеда: Мих. ФИРАК.

### За владу на морјох.

У остатніх дньох увага цалого швета на Штредоземне Морјо, дзе ше тераз находзи воена флота Италиј, Немецкеј, Французкеј и Англиј. Борба за владу на тим најважнейшим европейским морю и штредку старей култури и историј, то најважнейша ствар у нескайшей Европи. До тераз владала на нїм Англия а тераз ю сце Италия видрилїц. Бо Штредоземне Морјо вяже Европу зос Азию и Африку, хто ма у својей власци тото морјо тот „пан над панами“.

При тей нагоди приношимо статью о важности моря за держави и окреме о важности Чарного Моря за нашу стару оцовщину. — Ред.

Єдна з найкрасших странах — бокох историј нашого народу — то часи моцней Княжей Держави. Теди ше сила и моц нашеј нациј ширела не лем на просторох цалей України, але и над Чарним Морјом аж до брегох Малей Азиј. И у IX. до XII. столїтя починаю ше непрестани походи Київских Русинох на Чарне Морјо за владу на морјох, бо тот народ може шлебодно жиц и розвивац ше — напредовац на сүхим, котри ма у својих рукох владу на морјох. Зато князи Аскольд, Олег, Игор, Святослав, Ярослав и други стално стражу тридали на Чарним Морю и воно ше неодлуга назвало „Руське Море“. Тоти стари нашо розумели значене своей сили на морю як за нүкашнї розвиток Держави так и за ей медзинародне положене. Розбудова военој флоти найкрасша мира тей морскеј политики украинскеј держави у старих часох.

Док наша держава пановала на морю (Чарним и Каспийским), дотля постояла и напредовала. А чим страцена влада на морю пришла шмерц и конец держави. Досц спомнүц лет то, же конец князовскеј держави пришол по 1240. року, кед страцена влада на Чарним Морю пре напад Татарох, а познейше славни морски походи запорожских козакох на турецку державу та здобүток влади на морю принесли козацкеј держави превагу на сүхим и дали початок и основу козацкеј держави.

У новших часох зос розвитком ошлебодзенья и обновенья своей власней держави наш народ обраца заш свою очи на морю. Шевченко — пророк народу — написал о козацким панованю на морю свою найкрасши писнї. Предняци народни видзели, же ше Україна муши зблїжовац гү морю и не допушцац ту неприятельох.

1918. р. Влада Украинскеј Держави преглашела: »Шицки ладї, портови маєток и ўтвердзенья, котри ше находза у пристаньох (лүкох) Криму и цалого брегу Чарного Моря постава власносц Украинскеј Держави. Прето заповедам вшадзи повишац ўкраїнски прапори, застави.« Зос тима словами обновена традиция старого князовского панованя на морјох та виповедзене жадане нашого народу за владу на морјох. Бо морјо отвєра народоци дзвери до широкого швета и дава можливосц розвивац ше самостойно у газдовстве и тарговини и шириц свою политични впливи. Морјо є єдним з најглавнейших условийох. у розвитку, сили, велькосци, а и препаданю шицких державох. То видзиме зос прешлосци, а и з терашньосци. Пригадаїме себе долю Австриј, Чехословацкеј и положене Польскеј та вец увидзиме, же морјо бави одлүчүюцү ролю у

### Немири на мадыарско-словацкеј гранїци.

На гранїци медзи Мадыарску и нову Словацку державу приходзи у остатніх дньох часто до оружаных борбох медзи Словаками и Мадыарами. Мадыаре ше тих борбох барз боя, бо знаю же за словаками стої Немецка, котра прияла Словацку под свой протекторат. Висти зос Пешту явяю, же то немири почи-

наю вше лем Словаци. Вони бивовно знаю нач то робя, як цо и Мадыаре добре знали прецо робели немири на гранїци Карп. України. Мадыарски радио явя, же Мадыарска ипак затрима свою самосталносц.

Колесо историј ше фришко и немилосердно обраца!...

### Однїманє за Румуньску.

Румунски министер вонкашнї дїлох Гафенко бул 24 априла у Берлину при Гитлерови, а вец пошол до Белгїи и до Лондону. Немецка сце прицагнуц Румуньску гү себе, бо ей треба румунского жита, кукурици и нафти, а Англия тиж цага румунску на свою страну. Румуни сами не знаю, дзе им бивовнейше будзе. Гоч румунска у войсковим погляду не барз важна, але ма вона вельки природни богатства, котри Немецкеј барз

потребни уж тераз, а ище баржей потребни би були у случаю войны. Зато тераз Румунска стої у штредку уваги европскеј политики на востоку. Знаме, же Немецка не давно направела з Румунску тарговску догварку догварку, у котрей Румуни дали Немецом вельки привилегїи. Тераз Англия обеца Румунскеј вшелїяки блага, лем най ше вона прихилї гү Лондону и Паризу. Випатра, же Румунска би найволела остац неутрална, кед би то нешка мож було.

### Два политични блоки у Европи.

Европа ше подзелела на два блоки. На диктаторски держави: Италию и Немецку и на демократски держави Англию и Французку. Диктаторски держави су у офанзивним построєню и циль им є мєняц карту Европї и карту колонияльных крайох. Англия зос Французку настої зачувац терашне стане и находза ше у дефанзивним ставу.

И єден и други блок сце гү себе прицаг-

нуц други держави. Остатнї подїї у Европи барз нарушали и збунєли Англию и Французку, бо видза же у опасносци їх интереси. Понеже Англия немала воєни обовязок, то ей войско мале. Прето вона сце за себе придобїц други менши заинтересовани держави, хтори маю свою войско, а хторих би Англия помогла зос свою моцну воєну флоту. Прето тераз вельку политичну ролю бавя Балкански держави.

самостойносци народох и зато правду хтошка гварел, же »нет самосталносци без моря, нет моря без самосталносци«.

Прето ше вше водзела, а и нешка ше водзи велька и оштра борба медзи народами за морю. (Баш тераз настал спор за владу на штредоземним морю — Ред.)

А у панованю над морями маю верх народи, котри ше виховүю у шмелосци, геройству и дисциплини, котри ше не боя невигодох и опасносцох, котрих »виховало

морю, а вони зазүбадлали його непослухнї габи на свою службү.«

То нїч, же нешка на нашим — Украинским Морю панує російски большевик. Його панованю одчитани днї и годзини, то видзи кажди, хто провадзи днешню шветову политику. А наш народ не зотре нїхто и не вирве мү зос шерца свідомосц и жадане, же у борби за свою правду и шлебоду мүши запановац на морјох, кед сце да будзе самостойни и подполно шлебодни. — ОМ.

— О —

### Наш владика на Карпатскеј України.

Такој першей недзелї по своім приходу преглашел Преосв. владика у церкви декрет, з Риму о своім поставеню и одслужел Архиерейску Службу. А же би могол лепше видоволїц розказу св. Отца и дац цо точнейши звіт о обставинох на Карп. України, зволаз на три места схадзки деканох: єдну до Густу, другу до Сваляви, а трецу до Михаловцох. Зложел 30 питаня за деканох, у котрих було содержане шицко, цо владикови и св. Отцови требало о нашеј Горнїци знац. Декани мали послац тоти питаня панотцом по валалох, да вони даю цо скорей одвит. Тоти одвити барз слабо приходзели и владика мушел ище раз поволац паноцох, да свою информациј такој пошлю.

Национални живот почал ше у шлебодней держави буйно розвивац. Були отворени шейсц гимназиї, тарговска висока школа (академия), два учительски школи, вельо граждански школи по векших валалох, и стручни школи, а у каждам валале народни школи. Народ наш осетел благодат шлебоды, о котрей до тераз анї шнїц не могол. По карпатских горох и долинох гучала наша прекрасна писня и людзе не мали досц словох, да достойно подзекую своему отцу Волошину, котрого вше волали лем „батько“ (оец).

### Батогашко-мадыаронски зраднїци

Але було и малке число и панотцох и цивилох, котри були виховани у мадыарским духу (иштак кричали, же вони „русские“ то єст зраднїци батогаше. — Ред.) Вони непрестано чекали на приход Мадыарох и робели на тим, да и народ замержи на свою державу и да полюби Мадыарску. Др. Волошин настоїал и трудзел ше, да красним и благим способом шицких па и тих нещесних мадыаронох батогашох придобїє и одушеви за свой власни народ и за його шлебоду. Кед не могол при шицких успєц и на праву драгу обрациц, полиция таких народних и державних зраднїкох 88 заварла и придала суду. (То роби кажда держава на шведе и муши робиц. — Ред.) Так були заварти и 9 паноцове найгорши мадыарони батогаше. Але чим Владика о тим дочул, такој их нащивел у гарешту, гоч вони були дас 200 км. далеко од Хусту, а железници там не було лем подла драга. На Владикову молбу шицки були зос гарешту випущени.

### Пастир медзи народом

Велька була Владикова робота на церковним полю. Кед лем могол, нащивял парохїи и обично в недзелю на велькеј Служби наказовал у єдиней





